



Adresa: **Ul. H. Čemerlića 39a**
71000 Sarajevo
<http://www.voda.ba>

tel. +387 33 726-444; 726-400
fax. +387 33 726-423
e – mail: info@voda.ba

Broj: **UP-1/21-3-40-522-5/25**

Datum: **23.01.2026. godine**

«Agencija za vodno područje rijeke Save» Sarajevo rješavajući po zahtjevu pravnog lica «BINGO PETROL» d.o.o. Tuzla za donošenje rješenja o vodnoj dozvoli za ispuštanje oborinskih onečišćenih otpadnih voda sa lokacije benzinske stanice sa pratećim sadržajima «BINGO PETROL» - PJ 10 Sarajevo, izgrađene u ulici Džemala Bijedića 179A, općina Novi Grad, Sarajevo, na osnovu člana 109. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Pravnom licu «BINGO PETROL» d.o.o. Tuzla daje se vodna dozvola za ispuštanje oborinskih onečišćenih otpadnih voda sa lokacije benzinske stanice sa pratećim sadržajima «BINGO PETROL» - PJ 10 Sarajevo, izgrađene na zemljištu označenom kao k.č. broj 4078/13 i 4079/3 K.O. Novo Sarajevo IV, općina Novi Grad, Sarajevo.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Vodna dozvola se daje na osnovu činjeničnog stanja utvrđenog pregledom dostavljene projektne i druge dokumentacije, izvršenog uviđaja na objektu i pod slijedećim uslovima:
 - 3.1. Da se upotreba i korištenje predmetnog objekta vrši u skladu sa urađenom investiciono tehničkom dokumentacijom, koja je služila kao podloga za davanje ove vodne dozvole.
 - 3.2. Skladištenje nafte i naftnih derivata vršiti u dvoplašnim čeličnim podzemnim rezervoarima ukupne zapremine $V=120 \text{ m}^3$, kao i skladištenje LPG-a u podzemni rezervoar zapremine 20 m^3 (koji se trenutno ne koristi).
 - 3.3. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine (Službene novine Federacije BiH br. 52/14) i propisima iz ove oblasti, a na način da se spriječi dospijevanje nafte i naftnih derivata u podzemne i površinske vode.
 - 3.4. Da se oborinske onečišćene vode sa platoa oko istakališta, saobraćajnih i manipulativnih površina nesmetano prikupljaju sistemom slivnih rešetki i kanalizacione mreže te odvede do objekta za tretman otpadnih voda (tipski separator nafte i naftnih derivata), a zatim preko okna za monitoring priključe na kolektor oborinske kanalizacije, prema saglasnosti KJKP „ViK“ d.o.o. Sarajevo.
 - 3.5. Korisnik poslovnog objekta je obavezan da izgrađene objekte, a čija svrha je odvođenje i prečišćavanje onečišćenih voda, redovno održava i koristi na način koji će obezbijediti njihovu potpunu ispravnost i funkcionalnost, kako bi se zadovoljio propisani kvalitet efluenta.
 - 3.6. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva na osnovu člana 64. stav (3) Zakona o vodama i Pravilnika o uslovima koje moraju ispunjavati ovlaštene laboratorije i sadržini i načinu izdavanja ovlaštenja («Službene novine Federacije BiH», broj 14/10, 14/3, 26/14, 15/17, 23/17 i 41/20), vršiti redovna ispitivanja kvaliteta otpadnih voda, uzimanjem uzorka

efluenta iz dva kontrolnog okna, u skladu sa Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).

- 3.7. Prečišćena otpadna voda mora ostati u maksimalno dopuštenim granicama definiranim Uredbom o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
 - 3.8. Osigurati priručna sredstva za brzu intervenciju u slučaju nekontrolisanog istjecanja nafte i naftnih derivata, kako bi se spriječilo moguće onečišćenje voda i tla (materijal za upijanje: piljevina, prikladni adsorbensi, odgovarajuće posude, uređaji za pretakanje i sl.).
 - 3.9. Sadržaj (mulj) iz uređaja za prečišćavanje otpadnih voda i opasni otpad ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 5. U periodu važenja ove vodne dozvole korisnik predmetnog objekta je dužan provoditi sve mjere i aktivnosti propisane istom.
 6. Ukoliko radom predmetnog objekta dođe do promjene režima površinskih ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 7. Ukoliko uslijed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na lokalitetu i objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Prava stečena po ovoj vodnoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina, od dana pravosnažnosti ovog rješenja.
 10. Prije isteka važnosti ove vodne dozvole, vlasnik, odnosno korisnik objekta je dužan da podnese zahtjev za izdavanje nove vodne dozvole.
 11. Ovo rješenje može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice «BINGO PETROL» d.o.o. Tuzla se pismenim putem obratio ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda sa lokacije benzinske stanice sa pratećim sadržajima «BINGO PETROL» - PJ 10 Sarajevo, izgrađene na zemljištu označenom kao k.č. broj 4078/13 i 4079/3 K.O. Novo Sarajevo IV, općina Novi Grad, Sarajevo.

U provedenom postupku dostavljena je i pregledana slijedeća dokumentacija:

- Ovjerena kopija rješenja o izmjenama podataka u sudski registar Općinskog suda u Tuzli, kod subjekta upisa «BINGO PETROL» d.o.o. Tuzla, broj: 032-0-Reg-25-001850 od 15.12.2025. godine;

- Ovjerena kopija uvjerenja o poreznoj registraciji poreznog obveznika «BINGO PETROL» d.o.o. Tuzla, izdatog od strane Porezne uprave FBiH – Kantonalni porezni ured Tuzladana 23.11.2022. godine;
- Kopija Rješenja urbanističke saglasnosti za izgradnju benzinske pumpe, donesenog od strane Službe za urbanizam, stambene i komunalne poslove općine Novi Grad, Sarajevo, broj: 06-23-600/03 dana 22.12.2003. godine;
- Kopija Rješenja o urbanističkoj saglasnosti za dogradnju i nadziđivanje BP, donesenog od strane Službe za urbanizam, stambene, imovinsko-pravne, geodetske poslove i katastar nekretnina općine Novi Grad, Sarajevo, broj: 02/04-19-1882/19 H.V. dana 05.04.2021. godine;
- Kopija rješenja o odobrenju za upotrebu dogradnje novog sadržaja benzinske pumpe, izdatog od strane Službe za urbanizam, stambene, imovinsko-pravne, geodetske poslove i katastar nekretnina Općine Novi Grad, Sarajevo, broj: 02/04-19-6120/20 H.V. dana 12.05.2021. godine;
- Kopija saglasnosti za priključenje objekta na vodovodni sistem, data od strane „Vodovod i kanalizacija“ d.o.o. Sarajevo, broj: 30-31-2877-1/24 A.N. od 12.12.2024. godine;
- Kopija saglasnosti za priključenje objekta na kanalizacioni sistem, data od strane „Vodovod i kanalizacija“ d.o.o. Sarajevo, broj: 30-31-2877-2/24 A.N. od 12.12.2024. godine;
- Kopija Rješenja o vodnoj dozvoli donesenog od strane Agencije za vodno područje rijeke Save broj: UP-I/25-3-40-501-3/20 dana 01.12.2020. godine;
- Kopija izmjenjenog Rješenja o vodnoj dozvoli donesenog od strane Agencije za vodno područje rijeke Save broj: UP-I/25-3-40-501-5/20 od 15.01.2025. godine;
- Kopija - Operativni plan u slučaju incidentnih zagađenja na vodama i obalnom vodnom zemljištu, urađen od strane TQM d.o.o. Tuzla, novembar 2024. godine;
- Izvještaj o monitoringu kvaliteta i kvantiteta otpadnih voda benzinske pumpe «BINGO PETROL» d.o.o. Tuzla - PJ 10, septembar 2025. godine;
- Investiciono – tehnička dokumentacija, Projekat izvedenog stanja vodovoda i kanalizacije za poslovni objekat benzinska pumpa, a za potrebe izdavanja vodne dozvole, urađen od strane ENCOS d.o.o. Sarajevo, august 2020. godine (na uvid);
- Dokaz o uplati upravne pristojbe.

Postupajući po podnesenom zahtjevu, u skladu sa članom 12. stav (5) i (6) Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), ovaj organ je pokrenuo upravni postupak, te je dana 15.01.2026. godine izvršen pregled predmetne benzinske stanice sa pratećim sadržajima, o čemu je sačinjen Zapisnik o uviđaju broj: UP-1/21-3-40-522-4/25.

Benzinska pumpa sa pratećim sadržajima «BINGO PETROL» d.o.o. Tuzla – PJ 10 Sarajevo, izgrađena je na zemljištu označenom kao k.č. broj 4078/13 i 4079/3 K.O. Novo Sarajevo IV, općina Novi Grad, Sarajevo, u ulici Džemala Bijedića u Sarajevu. Skladištenje nafte i naftnih derivata na predmetnoj lokaciji vrši se u dvoplašnim podzemnim čeličnim rezervoarima ukupne zapremine $V=120 \text{ m}^3$, kao i skladištenje LPG-a u podzemnom čeličnom rezervoaru zapremine 20.0 m^3 (koji se trenutno ne koristi). Prikupljanje oborinskih onečišćenih voda sa lokacije benzinske stanice vrši se sistemom izgrađenih slivnika sa slivnom rešetkom i odvodi na tretman u tipski separator ulja i naftnih derivata, a zatim preko okna za monitoring priključuje na kolektor oborinske kanalizacije, kojim upravlja KJKP „Vodovod i kanalizacija“ d.o.o. Sarajevo.

Na osnovu pregleda projektne dokumentacije, utvrđenog činjeničnog stanja i uviđaja izvršenog na predmetnom lokalitetu, a u svrhu smanjenja negativnih uticaja predmetnog objekta i aktivnosti na stanje voda i prava na vode dodijeljena drugim korisnicima, podnosiocu zahtjeva su ovom vodnom dozvolom u tački 3. dispozitiva Rješenja, propisani uslovi kojih se dužan pridržavati pri korištenju

objekta, u skladu sa Zakonom o vodama, Uredbom o uslovima ispuštanja otpadnih voda u okoliš i sisteme javne kanalizacije i Pravilnikom o sadržaju, obliku, uvjetima, načinu izdavanja i čuvanja vodnih akata.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu provedenog postupka konstatuje se da je podnosilac zahtjeva ispunio minimum uslova za izdavanje vodne dozvole za ispuštanje oborinskih onečišćenih voda sa predmetne lokacije, te je riješeno kao u dispozitivu ovog Rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarifi federalnih upravnih taksi („Službene novine Federacije BiH”, broj 06/98, 8/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka: Aida Bezdob, dipl.ing.građ.

Po ovlaštenju
Rukovodilac sektora za izdavanje vodnih akata

Nihad Pezo, dipl.inž.građ.

Dostaviti:

- «BINGO PETROL» d.o.o. Tuzla, Bosanska poljana bb, 75000 Tuzla
- AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča AVP Sava